

**SBB**

SAVEZ ZA BOLJU BUDUĆNOST BiH

Savez za bolju budućnost BiH

Ul. Tešanjka br. 24/a

71 000 Sarajevo

ID broj: 4201503350009

T.rn: 1020500000086134

Informacije: +387 33 788 561, +387 33 942 550, +387 33 942 551

Pr/Odnosi s javnošću : +387 33 788 566, +387 33 942 596

Koordinacija: +387 33 788 561; +387 33 942 582

Fax: +387 33 788 565, +387 33 942 560

e-mail: info@sbbbh.ba

www.sbbbh.ba

br:**Sarajevo,****PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM**

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 15. 02. 2012.			
Organizaciona jedinica	Klasifikaciona oznaka	Redni broj	Broj priloga
01 -	02-1-	9/12	

N/R Milorad Živković, predsjedavajući Doma**PREDMET: Prijedlog zakona o izmjeni Izbornog zakona Bosne i Hercegovine**

Na osnovu člana 99. (ovlašteni predlagač) i 100. (sadržaj prijedloga zakona) Poslovnika Predstavničkog doma Parlamentarne skupštine BiH, ("Službeni glasnik BiH" broj 33/06, 41/06, 81/06, 91/06 I 91/07) kao ovlašteni predlagači dostavljamo:

"Prijedlog zakona o izmjeni Izbornog zakona Bosne i Hercegovine"

radi razmatranja i usvajanja u Parlamentarnoj skupštini Bosne i Hercegovine.

Zahtjevamo da se Prijedlog zakona o izmjeni Izbornog zakona Bosne i Hercegovine razmatra po hitnom postupku, član 127. Poslovnika Predstavničkog doma Parlamentarne skupštine Bosne i Hercegovine s obzirom da se radi o izmjeni jednog člana Izbornog zakona Bosne i Hercegovine

U prilogu Vam dostavljamo tekst Prijedloga zakona o izmjeni Izbornog zakona Bosne i Hercegovine sa obrazloženjem na bosanskom jeziku te elektronsku verziju Prijedloga zakona o izmjeni Izbornog zakona Bosne i Hercegovine.

S poštovanjem,

Sarajevo, 15. 02. 2012. godine

za Klub poslanika SBB BiH
Predsjednik kluba
Dr. Mirsad Đugum

Na osnovu člana IV 4.a) Ustava Bosne i Hercegovine, Parlamentarna skupština Bosne i Hercegovine, na _____sjednici Predstavničkog doma, održanoj _____2012. godine, i sjednici _____Doma naroda, održanoj _____2012. godine, usvojila je:

ZAKON O IZMJENI IZBORNOG ZAKONA BOSNE I HERCEGOVINE

Član 1.

U Izbornom zakonu Bosne i Hercegovine, ("Službeni glasnik Bosne i Hercegovine" br.23/01, br.7/02, br.9/02, br.20/02, br.4/04, br.20/04 br.25/05, br.52/05, br.65/05, br.77/05 br.24/06, br.32/07, br.33/08, br.32/10) U članu 20.9 stav (1). brišu se riječi "**Izuzetno, za općinske izbore 2008. godine**" :

Član 2.

Ovaj zakon stupa na snagu osmog dana od objavljivanja u "Službenom glasniku BiH"

Predsjedavajući
Predstavničkog doma
Parlamentarne skupštine
Bosne i Hercegovine
Dr. Milorad Živković

Predsjedavajući
Doma naroda
Parlamentarne skupštine
Bosne i Hercegovine
Dr. Dragan Čović

OBRAZLOŽENJE

I Ustavni osnov

Ustavni osnov za donošenje ovog zakona je član IV 4.a) Ustava Bosne i Hercegovine prema kojem je Parlamentarna skupština Bosne i Hercegovine nadležna za donošenje zakona koji se odnose na uređivanje oblasti vezanih za izborni proces u Bosni i Hercegovini.

U ovom slučaju radi se o Prijedlogu zakona o izmjeni Izbornog zakona Bosne i Hercegovine.

II Razlozi za donošenje zakona po hitnom postupku

Osnovni razlog za zahtjev da se ovaj prijedlog izmjene Izbornog zakona BiH u Predstavničkom domu Parlamentarne skupštine BiH usvoji po hitnom postupku, jeste da je ostalo još samo sedam (7) mjeseci do održavanja lokalnih izbora, odnosno manje od tri (3) mjeseca do objavljivanja Odluke o održavanju lokalnih izbora 2012. godine.

III Obrazloženje predložene izmjene

U presudi Međunarodnog suda pravde u Hagu od 26. februara 2007. godine potvrđeno je da su snage bosanskih Srba u Srebrenici u julu 1995.godine počinile genocid koji je Srbija najprije propustila da spriječi a zatim i kazni te da izruči Tribunalu njegove počinioce na čelu sa Ratkom Mladićem.

Od Srbije se ovom presudom zahtjevalo da bez odlaganja u skladu sa obavezama koje ima po Konvenciji o sprječavanju i kažnjavanju genocida (UN 1948.godine) , preduzme efektivne korake i kazni počinioce genocida ili izruči Tribunalu optužene za taj zločin. Međunarodni krivični tribunal u Hagu (ICTY) kao i Sud BiH utvrdili su krivičnu odgovornost i izrekli presude za genocid počinjen u Srebrenici najvišim oficirima Vojske Republike Srpske.

Neprihvatanjem ovog Prijedloga izmjene Izbornog zakona BiH došlo bi se u situaciju da u Parlamentarnoj skupštini Bosne i Hercegovine potvrdimo uporno negiranje genocida počinjenog u Srebrenici što je nesporno utvrđeno gore pomenutim presudama međunarodnih i domaćih sudova. Ovim se nepovratno stavlja pečat na etničko čišćenje počinjeno u ovom gradu. Postoji opravdana bojazan da Memorijalni centar „Potočari“ neprihvatanjem ovog prijedloga i odbijanjem da se izmjeni član 20.9 stav (1) postojećeg Izbornog zakona BiH, ostane jedini trag o postojanju Bošnjaka na tom prostoru. Uz dužno poštovanje prema svim žrtvama genocida, preživjelim i ubijenim, moramo napomenuti i podsjetiti da se među 8.372 Bošnjaka čija se imena nalaze na spomeniku u Potočarima nalazio i znatan broj birača i potencijalnih birača, što daje dodatnu težinu regularnosti i pravednosti izbornog procesa u Srebrenici. Napominjemo da je u Srebrenici do 1992. godine živjelo 33.000 stanovnika od čega je bilo 28.000 Bošnjaka.

IV Konsultacije sa relevantnim institucijama

Prilikom izrade Prijedloga izmjene člana 20. 9 stav (1) Izbornog zakona Bosne i Hercegovine obavljene su konsultacije sa udruženjima žrtava srebreničkog genocida kao i relevantnim pravnim stručnjacima iz oblasti izborne materije.

V Potrebna finansijska sredstva za realizaciju zakonskih rješenja

Za provedbu ovog Prijedloga izmjene člana 20.9 stav (1) Izbornog zakona BiH nisu potrebna dodatna finansijska sredstva.

(5) Sve dok Visoki predstavnik ili Parlamentarna skupština BiH ne odluče drugačije, a u skladu sa stavom (7) ovog člana, državljani BiH koji imaju status izbjeglog lica i koji imaju biračko pravo, imaju pravo da se upišu u Centralni birački spisak i da glasa lično ili poštom za općinu u kojoj je imao prebivalište prema posljednjem popisu stanovništva koji je izvršila država Bosna i Hercegovina, osim u slučaju kada to lice može predložiti dokaz o promjeni prebivališta u skladu sa zakonom u periodu od posljednjeg popisa stanovništva koji je izvršila država Bosna i Hercegovina do trenutka kada je steklo status izbjeglog lica.

(6) Dravljanin BiH, koji ima status izbjeglog lica i ima biračko pravo u skladu s ovim članom, bit će upisan u izvod Centralni birački spisak za općinu u kojoj je imao prebivalište prema posljednjem popisu stanovništva koji je izvršila država Bosna i Hercegovina, osim u slučaju kada može predložiti dokaz o promjeni prebivališta u skladu sa zakonom u periodu od posljednjeg popisa stanovništva koji je izvršila država Bosna i Hercegovina do trenutka kada je steklo status izbjeglog lica.

(7) Posebna prava predviđena ovim članom za raseljena i izbjegla lica, po kojima raseljena i izbjegla lica mogu biti upisana u izvod iz Centralnog biračkog spiska i glasati, prestat će na dan koji utvrdi Visoki predstavnik. Ako Visoki predstavnik ne donese odluku prije isteka svog mandata, raseljeni i izbjegli birači zadržat će posebna prava dok Parlamentarna skupština BiH ne odluči drugačije.

(8) Prije donošenja odluke o prestanku posebnih prava za raseljena i izbjegla lica po kojima mogu glasati, treba uzeti u obzir sljedeće okolnosti:

- 1) stanje provedbe Imovinskog zakona;
- 2) broj lica upisanih u izvod iz Centralnog biračkog spiska kao raseljena lica; i
- 3) faktore kojima se utvrđuje održivost povratka, u koje spadaju sigurnost povratnika, pristup obrazovanju i uslugama, odsustvo diskriminacije prilikom zapošljavanja i u radnom odnosu, te u funkcioniranju pravosudnog sistema.

Član 20.9

(1) Izuzetno, za općinske izbore 2008.godine, sva lica koja imaju biračko pravo a koja su imala mjesto svog prebivališta u općini Srebrenica, prema posljednjem popisu stanovništva izvršenom u Bosni i Hercegovini, imat će pravo da se upišu u birački spisak kako bi glasala lično ili u odsustvu za općinu Srebrenica, bez obzira imaju li status izbjeglice ili raseljenog lica i bez obzira jesu li zasnovala prebivalište izvan općine Srebrenica.

(2) Lica iz stava (1) ovog člana imaju pravo odlučiti da glasaju za općinu u kojoj trenutno prebivaju ili za općinu Srebrenica.

(3) Centralna izborna komisija BiH dalje će urediti proceduru upisivanja lica iz stava (1) ovog člana.

Član 20.9A

(1) Do 31. decembra 2007. godine primjenjivat će se sljedeća isključenja:

- a) Nijedno lice koje je odlukom visokog predstavnika smijenjeno sa javne dužnosti zbog činjenja ili nečinjenja u suprotnosti sa obavezama iz Općeg okvirnog sporazuma za mir u Bosni i Hercegovini ili u vezi s uslovima za njegovu provedbu ne može se kandidirati na neposrednim ili posrednim izborima obuhvaćenim ovim zakonom ili obavljati bilo koji mandat koje je dobilo na neposrednim ili posrednim izborima obuhvaćenim ovim Zakonom, osim ako drugačije ne odredi Visoki predstavnik.